

ZAPISNIK

sa **petnaeste** vanredne sjednice Upravnog odbora Univerziteta u Tuzli održane u **ponedjeljak 14.11.2022.** godine, sa početkom u **17 sati i 10 minuta** u Sali za sjednice Rektorata Univerziteta u Tuzli

Na petnaestoj vanrednoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof, dr. sci. Franc Andrejaš, vanr.prof. Sjednici nije prisustvovala, Adela Šaldić.

Osim članova Upravnog odbora sjednici je prisustvovao, Prorektor za nastavu i studentska pitanja, dr. sci. Jasmin Suljagić, vanr. prof., kao zamjenik Rektorice Univerziteta po.

Sjednici je prisustvovao i Ahmo Muhić, dipl. pravnik, sekretar Upravnog odbora.

Na prijedlog Predsjednika Upravnog odbora, neposredno nakon zaključenja 14. vanredne sjednice i kratkog odmora, održana je 15 vanredna sjednica Upravnog odbora.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio petnaestu vanrednu sjednicu Upravnog odbora.

Predložio je dnevni red i to:

1. Imenovanje vršioca dužnosti Generalnog sekretara Univerziteta u Tuzli na prijedlog Rektorice Univerziteta u Tuzli
2. Donošenje Odluke o raspisivanju Internog oglasa za izbor i imenovanje Generalnog sekretara Univerziteta u Tuzli

Dao je na usvajanje predloženi dnevni red.

Kako nije bilo prijedloga za izmjene i dopune dnevnog reda, za ovu sjednicu, jednoglasno je usvojen sljedeći

DNEVNI RED:

1. Imenovanje vršioca dužnosti Generalnog sekretara Univerziteta u Tuzli na prijedlog Rektorice Univerziteta u Tuzli
2. Donošenje Odluke o raspisivanju Internog oglasa za izbor i imenovanje Generalnog sekretara Univerziteta u Tuzli.

Rad na sjednici:

TAČKA 1.

Imenovanje vršioca dužnosti Generalnog sekretara Univerziteta u Tuzli na prijedlog Rektorice Univerziteta u Tuzli

Predsjednik Upravnog odbora je obrazložio da su, nakon što je Upravni odbor na 14. vanrednoj sjednici poništio Odluku o izboru i imenovanju Generalnog sekretara, stvorene pretpostavke za pokretanje procedure za izbor i imenovanje vršioca dužnosti Generalnog sekretara. Istakao je da se radi o hitnom postupku, te obrazložio proceduru za izbor i imenovanje.

Većinom glasova od ukupnog broja članova, Upravni odbor je donio

ZAKLJUČAK

Traži se od Rektorice Univerziteta u Tuzli da sutra 15.11.2022. godine do 13,00 sati dostavi Upravnom odboru Univerziteta pisani prijedlog za imenovanje vršioca dužnosti Generalnog sekretara Univerziteta u Tuzli u skladu sa članom 102. stav (1) Statuta Univerziteta u Tuzli.

Objasnenje

Nakon što je prihvatilo nadležnost da kao Univerzitetski organ postupi po Rješenju Glavnog kantonalnog inspektora za obrazovanje, nauku, kulturu i sport Kantonalne uprave za inspeksijske poslove Tuzlanskog kantona broj:17/4-VI-34-004116/22 od 27.05.2022. godine i Rješenju Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, Upravni odbor Univerziteta u Tuzli, na 14. vanrednoj sjednici održanoj 14.11.2022. godine, nakon provedenog tajnog glasanja, većinom glasova od ukupnog broja članova Upravnog odbora donio je Odluku o poništenju Odluke o izboru i imenovanju Generalnog sekretara Univerziteta u Tuzli broj:04-6710-1-5.2/21 od 30.11.2021. godine.

Kako je Odluka Upravnog odbora konačna u smislu člana 99.stav (5) Statuta Univerziteta, stvorene su pretposavke da Upravni odbor, na prijedlog Rektorice Univerziteta imenuje vršioca dužnosti Generalnog sekretara Univerziteta u Tuzli u skladu sa članom 102. stav (1) Statuta Univerziteta u Tuzli.

Cijeneći da se radi o hitnom postupku, Upravni odbor je i zaključio kao u dispozitivu.

TAČKA 2.

Donošenje Odluke o raspisivanju Internog oglasa za izbor i imenovanje Generalnog sekretara Univerziteta u Tuzli

Tokom rasprave zaključeno je da je potrebno, odmah nakon dostavljanja Odluke o poništavanju Odluke o izboru i imenovanju Generalnog sekretara Univerziteta, pokrenuti proceduru za donošenje Odluke o raspisivanju Internog oglasa za izbor i imenovanje Generalnog sekretara Univerziteta.

Nacrt Odluke će pripremiti Sekretarijat Univerziteta. Realizaciju ovog Zaključka će obezbijediti Predsjednik Upravnog odbora

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 17 sati i 33 minute.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-6395-1/22
Tuzla, 14.11.2022.godine

PREDSJEDNIK
UPRAVNOG ODBORA

dr.sc. Semir Ahmetbegović, vanr.prof.